

## Dedicatoria.

auff obangerogter vrsachen / zu einem gesunden gluckseligen / frölichen / friedt: vnd freudenreichen Newen Jahr / wie auch geringfügiger Gratulation, vnd gluckwünschung zu dero new auffgetragenen vnd angetretenen hohen Adelichen ampt des Burggraffens der Herrschafft Kottenberg / vnderdienstlich Dedieirn, zuschreiben vnd vnder dero adelichen Namens inscription in Druck geben wollen / damit er nicht allein durch E. B. Ed. Best. vnd Best. hohe Authortät vnd ansehen / vor den wiederwertigen beschützt vnd befurdert / sondern auch meniglichen desto beliebter vnd angenehmer gemacht werde.

Gelanget derowegen hierauff an E. B. Ed. Best. vnd Besten / mein ganz hochfleissiges vnderdienstliches bitten / wie dan zu dero selben mein ungezweiffelte hoffnung vnd zuversicht / Sie werden vnd wollen / ihr dieses Traetats a fronte geringes ansehen (weil sich gegen dero selben wol ein mehrers vnd höhers gebürte) vnd desselben wolmeinende Dedication nicht zu wider vnd entgegen / sondern selbigen in dero großgunstigem Patrocinio vnd Schutz befohlen sein / vnd belieben lassen.

Das vmb E. B. Ed. Best. vnd Best. (die der Allmechtige Gott sampt ganzer Familia / bey aller gedeylichen wohlfahrt der Selen vnd des Leibs / gnedig erhalten /